

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

RJEŠENJE

Prijava namjere koncentracije privrednog subjekta ANEKS d.o.o. Banja Luka, privrednog subjekta PROFEL - KOMUNIKACIJE d.o.o. Prijedor

Januar 2009. godine



Broj: 01-06-26-045-10-II/08
Sarajevo, 13. januara 2009. godine

Na osnovu člana 25. stav (1) tačka e), člana 42. stav (1) tačka d) a u vezi s čl. 12., 14., 16., 17. Zakona o konkurenciji («Službeni glasnik BiH», br. 48/05 i 76/07), a rješavajući po Prijavi namjere koncentracije privrednog subjekta ANEKS društvo za inženjering i konsultacije export-import, d.o.o. Banja Luka, Majke Jugovića 25, 78000 Banja Luka, i privrednog subjekta PROFEL – KOMUNIKACIJE d.o.o. preduzeće za izradu i održavanje komunikacijskih sistema, Prijedor, Petra Petrovića Njegoša 12/a, 79000 Prijedor, podnesenu po advokatu Seadu Miljkoviću, Fra Anđela Zvizdovića 1, 71000 Sarajevo, zaprimljenoj dana 24. oktobra 2008. godine broj: 01-06-26-045-II/08, Konkurencijsko vijeće, na 80. (osamdesetj) sjednici održanoj dana 13. januara 2009. godine, je donijelo

R J E Š E N J E

1. Ocjenjuje se dopuštenom koncentracija na tržištu pružanja usluga kablovske distribucije radio i televizijskog programa u opštinama Prijedor, Banja Luka, Sanski Most, koja će nastati sticanjem kontrole kupovinom osnovnih sredstva u privrednom subjektu PROFEL – KOMUNIKACIJE d.o.o. preduzeće za izradu i održavanje komunikacijskih sistema, Prijedor, Petra Petrovića Njegoša 12/a, 79000 Prijedor, od privrednog subjekta ANEKS društvo za inženjering i konsultacije export-import, d.o.o. Banja Luka, Majke Jugovića 25, 78000 Banja Luka.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo, dana 24. oktobra 2008. godine broj: 01-06-26-045-II/08, Prijavu namjere koncentracije (u daljem tekstu: Prijava), podnesenu po punomoćeniku Seadu Miljkoviću, advokatu (punomoć izdana u Banja Luci od privrednog subjekta ANEKS dana 20. oktobra 2008. godine), Fra Anđela Zvizdovića 1, 71000 Sarajevo, kojom privredni subjekt ANEKS društvo za inženjering i konsultacije export-import, d.o.o. Banja Luka, Majke Jugovića 25, 78000 Banja Luka (u daljem tekstu: Podnosilac prijave ili ANEKS), namjerava steći kontrolu kupovinom osnovnih sredstva u privrednom subjektu PROFEL– KOMUNIKACIJE d.o.o. preduzeće za izradu i održavanje komunikacijskih sistema, Prijedor, Petra Petrovića Njegoša 12/a, 79000 Prijedor (u daljem tekstu: PROFEL – KOMUNIKACIJE).

Uvidom u podnesenu Prijavu utvrđeno je da nije potpuna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja prijave i kriterija za ocjenu koncentracija privrednih subjekata («Službeni glasnik BiH», broj

95/06) te je Konkurencijsko vijeće zatražilo dopunu iste, u skladu s članom 31. istoga Zakona (akt broj: 01-06-26-045-1-II/08 dana 17. novembra 2008. godine; broj: 01-06-26-045-6-II/08 dana 15. decembra 2008. godine). Podnosilac prijave u skladu sa zahtjevom Konkurencijskog vijeća je dopunio Prijavu traženom dokumentacijom (podnesak broj: 01-06-26-045-2-II/08 dana 18. novembra 2008. godine; broj: 01-06-26-045-5-II/08 dana 12. decembra 2008. godine; broj: 01-06-26-045-7-II/08 dana 19. decembra 2008. godine).

Podnosilac prijave, u smislu člana 31. stav (2) Zakona, je zatražio produženje vremenskog roka za kompletiranje Prijave (podnesak broj: 01-06-26-045-3-II/08 dana 26. novembra 2008. godine), Konkurencijsko vijeće je prihvatilo zahtjev i odobrilo produženje roka za dostavljanje tražene dokumentacije (akt broj: 01-06-26-045-4-II/08 od dana 26. novembra 2008. godine)

Po prijemu tražene dokumentacije Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 23. decembra 2008. godine broj: 01-06-26-045-8-II/08.

Podnosilac prijave je naveo, u smislu člana 30. stav (2) Zakona, da nema obavezu podnijeti zahtjev za ocjenu koncentracije nekom drugom tijelu za konkurenciju izvan teritorije Bosne i Hercegovine.

Konkurencijsko vijeće u postupku ocjene dopuštenosti predmetne koncentracije je utvrdilo sljedeće činjenice:

Predmetna Prijava je podnesena u vremenskom roku od osam (8) dana, od dana zaključivanja Ugovora o kupoprodaji privrednog subjekta ANEKS i privrednog subjekta PROFEL – KOMUNIKACIJE, u smislu člana 16. stav (1) Zakona.

1. Učesnici predmetne koncentracije

Učesnici predmetne koncentracije su privredni subjekt ANEKS društvo za inženjering i konsultacije export-import, d.o.o. Banja Luka, Majke Jugovića 25, 78000 Banja Luka, PROFEL – KOMUNIKACIJE d.o.o. preduzeće za izradu i održavanje komunikacijskih sistema, Prijedor, Petra Petrovića Njegoša 12/a, 79000 Prijedor.

1.1. Privredni subjekt ANEKS d.o.o. Banja Luka

Privredni subjekt ANEKS društvo za inženjering i konsultacije export-import, d.o.o. Banja Luka, Krajiških brigada 113, 78000 Banja Luka, je osnovan 1993. godine, registrovan u Osnovnom sudu Banja Luka, pod brojem: 1-3645-00 dana, s osnovnim kapitalom od (..)*¹ KM.

Privredni subjekt Telekom Slovenije d.d. Ljubljana, Cigaletova 15, 1000 Ljubljana, Republika Slovenija (u daljem tekstu: Telekom Slovenije) ima 70,0% vlasničkog udjela u privrednom subjektu ANEKS, dok fizičko lice Nebojša Antonijević (Krajiških brigada 113, 78000 Banja Luka, OI broj: 04GCM5999 MUP Banja Luka) ima 30,0% vlasničkog udjela.

Osnovne registrovane djelatnosti privrednog subjekta ANEKS su razvoj računarskih mreža, izrada softverskih rješenja, trgovina na veliko računarima i opremom, pružanje usluga iz oblasti telekomunikacija (fiksne telefonije-terminacije i ordinacije telefonskog prometa), internet usluge.

¹ (..)* Podaci predstavljaju poslovnu tajnu, u smislu člana 38. Zakona o konkurenciji

Privredni subjekt ANEKS od dana 01. aprila 2002. godine od Regulatorne agencije za komunikacije Bosne i Hercegovine je dobio Opštu dozvolu mrežnog operatera, a dana 12. aprila 2006. godine dozvolu za pružanje internet usluga i usluga u fiksnoj telefoniji.

Privredni subjekt ANEKS 100,0% je vlasnik privrednog subjekta NETKOM društvo s ograničenom odgovornošću za inženjering, usluge, proizvodnju i trgovinu d.o.o. Banja Luka, Ranka Šipke 78, 78000 Banja Luka (matični broj: 1960695), registrovan u Osnovnom sudu u Banja Luci, pod brojem: 1-12729-00, dana 10. oktobra 2002. godine (Rješenje broj: U/12510/02).

Pretežna registrovana djelatnost privrednog subjekta NETKOM je pružanje usluga iz sektora telekomunikacija (kablovska distribucija radio i televizijskih programa).

Prema podacima iz Prijave privredni subjekt ANEKS pojedinačno ili zajedno nema više od 10,0% udjela u osnovnom kapitalu, odnosno 10,0% prava glasa u nekom privrednom subjektu u Bosni i Hercegovini.

1.1.1. Privredni subjekt Telekom Slovenije d.d. Ljubljana

Privredni subjekt Telekom Slovenije je upisan u registar Okružnog suda u Ljubljani dana 01. oktobra 1993. godine (broj registarskog uloška: 12462400; matični broj: 5014018000), s osnovnim kapitalom (..)* KM (..)* EUR.

Pretežne djelatnosti privrednog subjekta Telekom Slovenija su pružanje i pribavljanje različitih usluga i informacija iz sektora PTT prometa (fiksna i mobilna telefonija, internet usluge, prenos zvuka, slike ili ostalih informacija itd).

Grupa Telekom Slovenija djeluje u Republici Hrvatskoj, Republici Srbiji, Republici Makedoniji, Bosni i Hercegovini, Republici Kosovo, Republici Albaniji itd.

Grupa Telekom Slovenije u Bosni i Hercegovini, pored privrednog subjekta ANEKS, je većinski vlasnik (70,0%) privrednog subjekta BLIC.NET društvo s ograničenom odgovornošću za pružanje usluga u telekomunikacijama Banja Luka, Jevrejska bb, lamela 3/II, 78000 Banja Luka (u daljem tekstu: BLIC.NET), upisanog u registar Osnovnog suda Banja Luka, broj 1-12982 dana 31. marta 2003. godine. Također, Grupa Telekom Slovenija je posredna preko privrednog subjekta ANEKS i vlasnik i privrednog subjekta NETKOM.

Vlasnička struktura privrednog subjekta Telekom Slovenija, na dan 31. decembra 2007. godine:

Tabela 1.

| R.b. | Vlasnička struktura | Broj dionica | Broj dionica (%) |
|------|---|------------------|------------------|
| 1. | Vlada Republike Slovenije | 3.432.870 | 52,53 |
| 2. | Slovenska odškodninska družba d.d. | 931.387 | 14,25 |
| 3. | Kapitalska družba d.d.- Republika Slovenija | 365175 | 5,59 |
| 4. | PID-DZU - Republika Slovenija | 221.409 | 3,39 |
| 5. | Pravni subjekti | 600.249 | 9,19 |
| 6. | Pojedinačni dioničari | 679.895 | 10,40 |
| 7. | Ostali dioničari | 304.493 | 4,66 |
| | UKUPNO | 6.535.478 | 100,00 |

Izvor: podaci iz Prijave

Član uprave privrednog subjekta Telekom Slovenije i privrednog subjekta ANEKS mag. Željko Puljić, je predsjednik Upravnog odbora privrednog subjekta BLIC.NET, dok drugi članovi uprave

ili nadzornog odbora privrednog subjekta Telekom Slovenije i privrednog subjekta ANEKS nisu istovremeno članovi uprave ili nadzornog odbora bilo kojeg drugog privrednog subjekta na relevantnom tržištu.

1.2. Privredni subjekt PROFEL – KOMUNIKACIJE d.o.o. Prijedor

Privredni subjekt PROFEL – KOMUNIKACIJE d.o.o. preduzeće za izradu i održavanje komunikacijskih sistema, Prijedor, Petra Petrovića Njegoša 12/a, 79000 Prijedor, registrovan u Osnovnom sudu u Banja Luci, pod brojem: 1-15145-00, dana 11. oktobra 2005. godine (Rješenje broj: U/3815/05), osnovan od fizičkog lica Tatjana-Mamić Pavić, (Bratstva i jedinstva 17, JMBG: 070997616503; OI broj: 2196/96 Prijedor) s upisanim osnovnim kapitalom od (..)* KM.

Pretežna registrovana djelatnost privrednog subjekta PROFEL – KOMUNIKACIJE je pružanje usluga iz sektora telekomunikacija (kablovska distribucija radio i televizijskih programa).

Prema podacima iz Prijave privredni subjekt PROFEL – KOMUNIKACIJE pojedinačno ili zajedno nema više od 10,0% udjela u osnovnom kapitalu, odnosno 10,0% prava glasa u nekom privrednom subjektu u Bosni i Hercegovini.

2. Obaveza prijave namjere predmetne koncentracije

Obaveza prijave namjere koncentracije privrednih subjekata, u smislu odredbe člana 14. stav (1) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu, iznose preko 100.000.000,00 KM, po završnom računu u godini koja je prethodila predmetnoj koncentraciji.

Ukupni godišnji prihodi privrednih subjekata učesnika predmetne koncentracije (i s njima povezanih privrednih subjekata), na dan 31. decembra 2007. godine, iznose:

(KM)

Tabela 2.

| | Telekom Slovenije | ANEKS | BLIC.NET | PROFEL – KOMUNIKACIJE | NETKOM |
|----------------------------|-------------------|-------|----------|-----------------------|--------|
| Svijet | (..)* | (..)* | - | - | - |
| Bosna i Hercegovina | - | (..)* | (..)* | (..)* | (..)* |

Izvor: podaci iz Prijave

Ukupni godišnji prihod (Tabela 2.) privrednog subjekta Telekom Slovenije je (..)* KM, odnosno privrednog subjekta ANEKS je (..)* KM, dok je privredni subjekt PROFEL–KOMUNIKACIJE ostvario (..)* KM, po završnom računu u godini koja je prethodila predmetnoj koncentraciji.

Konkurencijsko vijeće je prilikom utvrđivanja ukupnog godišnjeg prihoda učesnika koncentracije uračunalo i ukupan godišnji prihod privrednog subjekta Telekom Slovenije, kao većinskog vlasnika privrednog subjekta ANEKS.

Godišnji prihod učesnika koncentracije predstavlja ukupan prihod (bez poreza na dodanu vrijednost i drugih poreza koji se direktno odnose na učesnika koncentracije, na svjetskom i na tržištu Bosne i Hercegovine), u smislu člana 8. tačka h) predmetne Odluke.

Budući da su ispunili uslove, u smislu člana 14. stav (1) Zakona, u pogledu zajedničkog ukupnog godišnjeg prihoda i da najmanje jedan privredni subjekt učesnik koncentracije je registrovan na teritoriji Bosne i Hercegovine, privredni subjekti učesnici koncentracije su obavezni podnijeti Prijavu.

3. Pravni okvir ocjene predmetne koncentracije

Konkurencijsko vijeće tokom provođenja postupka ocjene dopuštenosti predmetne koncentracije primjenilo je odredbe Zakona, Odluke o utvrđivanju relevantnog tržišta («Službeni glasnik BiH», broj 18/06) te Odluke o načinu podnošenja prijave i kriterija za ocjenu koncentracija privrednih subjekata.

Konkurencijsko vijeće je, na osnovu člana 43. stav (7) Zakona, koristilo sudsku praksu Evropskog suda i odluke Evropske komisije, kao i kriterije i standarde iz Obavještenja Komisije o računanju ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekata.

4. Pravni osnov i oblik predmetne koncentracije

Pravni osnov predmetne koncentracije, propisan je članom 16. stav (1) Zakona, a u vezi sa članom 30. stav (1) tačka a) Zakona i članom 8. tačka f) alineja 3. Odluke o načinu podnošenja prijave i kriterijima za ocjenu koncentracija privrednih subjekata.

Prema navedenom pravni osnov predmetne koncentracije je Ugovor o kupoprodaji (u daljem tekstu: Ugovor) zaključen, dana 16. oktobra 2008. godine u Banja Luci, između privrednog subjekta ANEKS (potpisan od ovlaštenog zastupnika–direktor Nebojša Antonijević) i privrednog subjekta PROFEL–KOMUNIKACIJE (potpisan od g-đe Tatjane Pavić Mamić, osnivač i ovlašteno lica), kojim privredni subjekt ANEKS namjerava steći kontrolu nad osnovnim sredstvima u privrednom subjektu PROFEL–KOMUNIKACIJE. Prema Ugovoru kupoprodajna cijena za osnovna sredstva privrednog subjekta PROFEL–KOMUNIKACIJE iznosi 391.166,00 KM (EUR 200.000,00).

U skladu sa članom 12. stav (1) tačka b) Zakona pravni oblik koncentracije predstavlja sticanje kontrole (od privrednog subjekta ANEKS), nad dijelom drugog privrednog subjekta (nad dijelom privrednog subjekta PROFEL–KOMUNIKACIJE) kupovinom udjela osnovnog kapitala.

5. Relevantno tržište predmetne koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu naročito njihove bitne karakteristike, kvalitet, uobičajnu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuju od uslova tržišne konkurencije na susjednim geografskim tržištima.

Relevantno tržište usluga /proizvoda predmetne koncentracije je tržište pružanja usluga kablovske distribucije radio i televizijskog programa.

Relevantno tržište u geografskom smislu predmetne koncentracije je tržište opština Prijedor, Banja Luka, Sanski Most.

Prema navedenom, relevantno tržište predmetne koncentraciji je tržište pružanja usluga kablovske distribucije radio i televizijskog programa u opštinama Prijedor, Banja Luka, Sanski Most.

Prilikom utvrđivanja relevantnog tržišta Konkurencijsko vijeće je uzelo u obzir da privredni subjekt PROFEL–KOMUNIKACIJE od Regulatorne agencije za komunikacije Bosne i Hercegovine je dobio Opštu dozvolu za javnog mrežnog operatora (broj: DMOL-TS/081/05 dana 16. novembra 2005. godine) i Dozvolu za pružanje usluga kablovske distribucije radio i televizijskog programa, dana 01. februara 2006. godine. Na osnovu predmetnih dozvola privrednom subjektu PROFEL–KOMUNIKACIJE je omogućeno pružanje usluge kablovske distribuciju radio i televizijskih programa u opštinama Prijedor, Banja Luka, Sanski Most. Privredni subjekt PROFEL–KOMUNIKACIJE trenutno djeluje samo na relevantnom tržištu opštine Prijedor.

Privredni subjekt Telekom Slovenija na relevantnom tržištu pružanje usluga kablovske distribucije radio i televizijskog programa djeluje i preko povezanog privrednog subjekta NETKOM, koji djeluje na tržištu opština Kotor Varoš, Čelinac i Banja Luka, u skladu sa uslovima utvrđenim u dozvolama odobrenim od Regulatorne agencije za komunikacije Bosne i Hercegovine.

6. Analiza relevantnog tržišta predmetne koncentracije u Bosni i Hercegovini

Tržišni udjeli privrednog subjekta PROFEL–KOMUNIKACIJE, i konkurenata na relevantnom tržištu pružanja usluga kablovske distribucije radijskog i televizijskog programa, u 2007. godini, iznose:

Tabela 3.

| Opština | PROFEL – KOMUNIKACIJE | NETKOM | Elta kabl Banja Luka | Ukupno |
|-------------|--------------------------|--------|----------------------|---------|
| Banja Luka | - | 35,00% | 65,00% | 100,00% |
| Sanski Most | - | - | - | - |
| Prijedor | 25,00% | - | 75,00% | 100,00% |

Izvor: podaci iz Prijave

Prema podacima iz Prijave privredni subjekt PROFEL–KOMUNIKACIJE u 2007. godini djeluje samo u opštini Prijedor, a nema djelovanja u opštinama Banja Luka i Sanski Most.

Tržišni udjeli učesnika koncentracije i konkurenata na relevantnom tržištu pružanja usluga kablovske distribucije radijskog i televizijskog programa na nivou Republike Srpske, u 2007. godini, su:

Tabela 4.

| R.b. | Privredni subjekt | Tržišni udio (%) |
|------|--|------------------|
| 1. | Elta kabl d.o.o. Banja Luka | 65,00 |
| 2. | Telrad d.o.o. Bijeljina | 15,00 |
| 3. | NETKOM d.o.o. Banja Luka | 7,00 |
| 4. | Koming-Pro d.o.o. Gradiška | 4,00 |
| 5. | Terc Trade d.o.o. Prnjavor | 3,00 |
| 6. | PROFEL – KOMUNIKACIJE d.o.o. Prijedor | 0,30 |
| 7. | Ostali | 5,98 |
| | UKUPNO | 100,00 |
| | Ukupno (3+6) | 7,30 |

Izvor: podaci iz Prijave; podaci Konkurencijskog vijeća

U skladu sa podacima iz javnog registra korisnika dozvola Regulatorne agencije za komunikacije Bosne i Hercegovine trenutno u Bosni i Hercegovini ima 74 korisnika dozvole javnog mrežnog operatora, a njih 58 ima ujedno i dozvole za pružanje usluga kablovske distribucije radio i televizijskog programa. Ukupno 12 privrednih subjekata posjeduje nacionalnu dozvolu (koja omogućuje izgradnju infrastrukture na cijeloj teritoriji Bosne i Hercegovine), dok u Republici Srpskoj 24 privredna subjekta posjeduju regionalnu ili lokalnu dozvolu.

7. Ocjena predmetne koncentracije

Konkurencijsko vijeće analizom relevantnih podataka, u smislu člana 17. Zakona, ocjenilo je da provođenjem namjeravane koncentracije neće doći do stvaranja dominantnog položaja učesnika koncentracije na relevantnom tržištu i da ista neće sprečavati, ograničavati ili narušavati tržišnu konkurenciju na relevantnom tržištu.

Privredni subjekt Telekom Slovenije preko privrednog subjekta NETKOM već djeluje u Republici Srpskoj na tržištu pružanja usluga kablovske distribucije radio i televizijskog programa, nakon provođenja predmetne koncentracije neće doći do značajnijeg povećanja tržišnog udjela učesnika koncentracije (Tabele 3. i 4.).

Također, Konkurencijsko vijeće prilikom donošenja konačne odluke o dopuštenosti namjeravane koncentracije je uzelo u obzir i planove Podnosioca prijave, koji se odnose na:

- povećanje kvaliteta usluga koje se nude potrošačima u Bosni i Hercegovini;
- proširenje broja i asortimana proizvoda i usluga koje se nude potrošačima;
- sniženje cijena relevantnih usluga;
- povećanje pouzdanost u pružanja usluga potrošačima.

Prema navedenom Konkurencijsko vijeće je ocijenilo dopuštenom predmetnu koncentraciju, u smislu člana 18. stav (2) tačka a) Zakona.

8. Administrativna taksa

Podnosilac Prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

Predsjednik

Ibrica Lakišić

Dostaviti:

- Podnosiocu Prijave – advokat Sead Miljković, Fra Andela Zvizdovića 1, 71000 Sarajevo
- u spis
- arhiv Konkurencijskog vijeća